

(清)英 和撰

恩福堂筆記

瓜蒞庵藏卯清學故叢刊

瓜蒂庵藏明清掌故叢刊

恩福堂筆記

〔清〕英和撰

上海古籍出版社

封面題字 承名世

瓜蒂庵藏明清掌故叢刊

恩福堂筆記

〔清〕英和撰

上海古籍出版社出版

（上海瑞金二路272號）

長年書店上海發行所發行 上海古籍印刷廠印刷

開本 787×1092 1/32 印張 5.25

1985年9月第1版 1985年9月第1次印刷

印數 0,001—3,000

統一書號：10186·604 定價：1.25元

目次

序(《述事賦》).....一

卷上.....二三

卷下.....八七

葉紹本等跋.....一五三

謝跋.....一五九

述事賦

有序

吉林英和撰

昔祖德是詠紀新製於陸機述初有篇振奇詞於
梁肅箕裘所自永世勿諼和系出襄鐘家傳孔鼎
軒冕相襲八葉於茲雖事載史成名在官閥而遺
聞軼事盛嫩難賅爰追溯典型布之章句用以示
我子孫俾無忘先澤云

繫

鴻圖之肇興仰方輿之式廓從龍虎於風雲集英
賢於鎬洛溯遷邑於余家傷本枝之孔弱訪長史

之姻舊旗紅白以交錯

高祖驍騎公弱齡奉母入燕京投親於姑丈睿忠

親王長史巴拜處遂隸鑲白旗滿洲

隸內府而拜職司左藏之鎖鑰

悵歲月之逾邁旋棄官而溲落爰從事於戎韜藉

弧矢之卓犖厠虎士以從征晉騎郎而橫槊

旋改隸內

務府滿洲長授六品司庫之職因公落職以善射復充護軍不數月晉驍騎校

憤蚩尤之

亂涿同有扈之戰甘殲銅頭之驍悍驅鐵騎之趁

趕惟我祖之效命奮威烈於霜鐔經膚施之古邑

偶拄策於茅檐邁東道之賢主乃適館而受餐獻

豆粥與麥飯見子女之兩三指一人曰佳耦願鳴

鳳之諧占遂繫絲於異地待凱奏而迴轡果功成
於一戰歌琴瑟兮樂耽惟夫人之穎異聆

國語兮能諳洵徽音之令淑符蘭夢以宜男

從親藩將

軍征西客於陝西膚施縣張公家公出子女見王
擇一女配焉唱凱言歸公送女至京台香未半載
夫人清語卽熟資政篤生幼而歧嶷膺

有滿洲古風

賜姓以亢宗竭匪躬以盡職

高祖資政公康熙年
賜姓氏見於

受姓紀畧

張審通之異稟宮之奇之侍側受耳目之委

寄襄文武之碩畫漸席厚而履豐更錫田而賜帛
儼封邑之多戶納租稅而食力惟紅粟之充盈非

隸首所能測命小鬟而負荷羗委地而勿惜

資政公於

康熙間

恩眷特深

賜予便蕃不能

以數計其時帶地授充莊戶若干姓每秋納解租

銀僕婦引小鬟自儀門肩入內鬟以壓肩委其半

於地應役而散不復拾取余十餘齡時有老嫗述

其事如繪嫗卽當年秉松竹兮爲心集道義兮成

小鬟已八十餘歲矣

性潔素履而冰清湛虛懷而玉映嘗樂善而博施

行忠信與篤敬無黨無偏不綵不競絕讒口以自

矢信我生之有命

資政公兼奏機密事任常示子孫我不以攻人之短以效己長

是有命焉故絕不談人陰昧事

卜牛眠而輕將相望後嗣之有俊

英人所棄而獨取聞堪輿之頌聲惟識力之堅定

遂卜吉於佳城知厚福之必報宜奕葉之簪纓

卜地

於東直門外亮馬橋原
委見於恩福堂筆記

光祿繼起兩代未仕借詩

酒以陶情守琴書而自喜金蘭結契於山林塤篪

迭奏夫宮徵曰溪曰村地皆東指舉孝廉以開先

謝徵辟而不悔

謂大伯祖東溪公開科二伯祖舉賢良方正不就事

問律呂

於州鳩定測量於周髀嚴訓誥於椿庭曰親課夫

書史滋培既厚流澤乃長芝蘭蔚起肯構肯堂繫

科名之鼎盛聿首創於文莊未弱冠而登第凌紫

清而迴翔負嚴徐之重望薰班馬之濃香聿西清

之侍直徵殊遇於玉堂傍北扉而視草燦蓮炬之
成行遂頻司夫衡鑑厯坊苑而騰驤貳冬官而贊
治司會府之儲藏督黃圖之學校比衣錦於故鄉
惟

天心之眷篤乃倚重夫巖疆珠海澄銅山地峻
戢奸宄以肅清撫蒸黎而豫順方化澤之久覃忽
蓼莪之抱恨襄啟事以心清董漕儲而運迅偶借
寇乎榕城亦威稜之遠鎮

帝心簡在夙夜惟寅昇秩宗之華秩和上下兮神

人統容臺而典重賁吉羽而儀新

禁垣策騎講席敷茵艷禮闈之五典樹桃李於陽
春有三元之入彀曰事

君兮得人抱孤忠之耿耿立朝右而垂紳亦惟文
恭並稱競爽玉樹聯芳銅盤居長志共勵於鷄窗
名同登於虎榜並棲鳳沼之旁俱荷龍池之賞振
鼎呂之元音發英咸之盛響聿內直於邇英潤

皇猷而克廣獨坐榮躋三階曜朗惟棣華之接踵
咸鎗濟於鸞班侍郎宣猷於遼瀋監司著績於百

蠻羨鹿鳴之再赴輝卿月以彈冠邁星珠之紀實
軼經緯之誇韓此又積善之餘慶而氏族因以根
蟠者也繁余小子舊澤是承衍鳳毛而襲慶親鯉
對以服膺勵宵燈以焮掌爰弱冠而賓興擧春官
之上第翔壁府以騫騰嗣前檄以繼武凜駿烈之
繩繩邈矣臣微

明哉

主聖眷舊德以罔訾推

湛恩於子姓

選材則名擢鑾坡課士則任分冰鏡棲鷄樹而三
遷歷鸞臺之五正直西府兮襄猷侍

南齋兮依詠近

光則日月爲昭承

詔則星雲互映總領詞垣兼司戎政銘

聖澤之淪肌惕鵜濡之未稱聿我

皇之繼序軼虞夏而并包建善旌而才進懸諫鼓
而賢招金椎治肅玉鏡光昭伊軫材之譎劣荷
元化之甄陶董金倉之大政總太府之繁條

許中樞之再入對前席而揮毫敢託知於水石幸
承渥於

雲霄海運則采之葑菲軍儲則籌及芻蕘寄鈞衡
之重任敢玩愒以辭勞惟汲深而綆短終負愧於
中宵念經訓之傳家尙貽型於孫子題羶筆以聯
鑣謁金門而接趾或躋秩於卿僚或濫竽夫匪使
暨蠟鳳之稱奇亦分榮乎柱史四世翰林七科進
士數流慶之蟬嫣幸無忝於宗祀溯余家之原始
實奮迹於吉林涉松花之巨浸度弗辣之高岑自

歸誠而遇

主傳累葉之腰金擬椒聊之繁衍誇竹立之森森
職盡思夫補衮功有待於爲霖軼燕山之桂樹羨
王氏之槐陰惟

天恩與祖澤禕百世而同欽詩頌熾昌族期滋大
願益迪夫前光幸躬逢夫嘉會思冲抑以持盈常
省躬以戒汰端嚴聿著夫衣帽敬慎恒昭於結綬
凜金心之在中矢石腸兮介外惟作善之降祥厯
孫曾而永泰此又祖訓之貽留而亟當銘之几帶

者也繁大鈞之播物每榮瘁之殊塗或優游於鐘
鼎或跼伏於菰蘆或父書之難讀或祖硯之終枯
每縈懷夫明發念先烈之易渝何軒輅之相映得
光曜於駟閭思盛滿兮難居戒矜夸兮易蹟際

聖澤之高深得優游於里肆惜光景於桑榆寄幽
情於荷芰偕野老兮歌衢聽生徒兮問字謹嗣服
於

三朝聿揅觚而述志思彝訓之難忘寶榮名之不
墜願作則於雲初永無斃兮奕世

恩福堂筆記卷上

吉林英和撰

和自中第後每次引

見必蒙

純廟垂問數言授侍講曰

命恭和

聖製觀麥七古一首阿文成公攜至軍機處公上
坐令余對坐親視揮毫詞林稱爲佳話嘉慶二年
以